



Kaed blo komplitim Fom blong gavman blo givim mane long ol bisnis blong lukaotem ol wokman

Hu nao I save mekem klem?

Blong mekem klem blo peimen blong wokman blong yu, **yu wan ona wetem wan bank akaon mo Bisnis laesens mo kontiniu blo pem VNPF blo ol wokman lo manis maj. Sipos yu nogat ol pepa wok ia o wan bank akaon plis mekem sua se yu mas gat fastaem.**

Olsem wanem blong mekem klem?

Ol bisnis ona I mas gat ol dokumen ia I redi blong mekem wan klem:

Ol dokumen we I nid blo stap:

- Laesens blo Bisnis
- Ol kontak blo bisnis (fon, adres etc.)
- Ol infomesen blong bank akaon blo bisnis
- Kontak blo wokman (fon namba)
- VNPF infomesen blo bisnis
 - VNPF ID + seteficate blo rejestresen
 - VNPF kontribusen skedul blo bisnis & Risit blo Disemba 2019 – Januari 2020(Februari 2020 opsenal)

Opsenol/ Sipos igat o Rejista

- TIN/CT namba blo bisnis
- Venda cod blo kavman
- Permit blo turisim (blo ol bisnis insaed lo indastri blo turisim)
- Apruv pay recod blo bank

Time u gat ol pepa wok ia I redi, sipos u gat access lo wan skana mo printa mo email, ba u save mekem mo sendem pepa wok blo yu wan.

Sipos yu nogat wan skana, printa mo email, yu save kam lo VCCI ofis blo kasem sapot lo aplikesen blo yu. Blo ol bisnis lo profins, bai I gat sapot I kam lo dipatmen blo turisim stat lo may I go. Stap askem ufala blo kipim ol risit moo I pepa wok mo sipos yu nidim sapot blo kontaktem dipatmen blo turisim lo mei .

Yu save faenem fom blo kavman lo ples ia: <https://vcci.vu/vu/risos/employee-stabilisation-payment/>

Ol Samting blo save:

1. Bae u save klem nomo blo ol mane we u pem ol wokman long hem afta we manis ya emi end. Fes fom we yu fulmap ya em blo ol helpem yu wetem smol mane we yu bin pem ol wokman lo manis blong March 2020. Afta lo end blo manis blo April bae yu save klem bakaken smol mane we yu bin pe mol wokman lo manis blo April afta semak olsem e go.
2. Smol mane we bae u karem lo gavman ya emi blo helpem bisnis wetem ol mane we hem emi bin pem ol wokman long manis blo Maj, Eprel, Mei mo Jun 2020.
3. Mane ya oli pem e go lo ona blong bisnis (oli no pem emi go lo wokman).
4. Yu mas save se fom ya emi stap lo Microsoft Excel afta emi gat fo tabs we emi A, B, C mo D.
5. Afta we yu ridim ol instraksen bae yu stat fulmap ol fom lo Ditel Blong Employa o seksen B. Yu mas givim ol infomesen ya:
 - a. Nem blong Bisnis
 - b. Namba blong bisnis laesens (sapos yu nogat wan bisnis laesens bae yu mas go karem wan)
 - c. VNPF ID blong Employa
 - d. Ol Kontak Infomesen blong Employa mo ol wokman
 - e. Emi impoten blo givim olgeta infomesen blo Bank we fom ya emi stap wantem
6. Afta long emia bae yu fulmap Ditel Blong Ol Wokman lo Tab 3 o Seksen C. Yu mas fulmap wanwan wokman lo wanwan seksen lo Tab ya. Emia emi blong ol Wokman we yu pem olgeta mo oli wok blong yu long manis blong Maj.
7. Sam samting blong helpem yu:
 - a. Seksen J & K hemi taem blong wok bifo long namba 1 March.
 - i. J9 ol Haoa blong wok: istap askem wanem kaen wok nao wokman blong yu I mekem. Exsampol drop taon I stap askem yu blo jusum: a: ful taem (istap minim se ol wokman ia oli no gat en det), Pat taem (istap minim se oli no wok ful taem be gat ful taem employem stetas long pat taem kontrak), kontrak (istap minim se I gat stat mo en det long vebol o written kontrak), finis wok long smol taem nomo (istap minim wan man we hemi no bin wok bifo long manis March) mo hemi finis
 - ii. K9 pei: Istap askem sapos yu bin stap pem salari blong ol wokman o gat kat long salari blong ol.
 - b. Seksen L & F: hemi taem blong wok afta long namba 1 March.
 - i. L9 ol haoa blong wok: istap askem ol semak poen olsem 4.a.i antap

- ii. M9 Pei: istap askem saposé yu bin stap pem salari blo wokman o gat kat long salari (olsem antap)
- c. Taem we yu complitim ol infomesen from ol wokman we yu bin pem olgeta long manis March, Printimaot ol tab ia; B, C mo D. Saenem seksen ia we yu printimaot (jeklis)
- d. Ranem wan skan long ol rikwested dokumen, mo saenem pepa kopi blong fom.

Advaes Iko long yu se yu save submitim aplikesen blong yu tru long ol wei ia:

- Imel: esp@vanuatu.gov.vu. Usum opsen II mo III saposé yu no ebol blong sendem fom olsem wan
- i. Atajmen)
Plis sitemap imel subjek olsem “Fom ESP-20-01-Sabmisen”
- ii. **Drop box:** <https://www.dropbox.com/request/lldyqMlsoBNSvaEbpj2p>
Plis sevel ol fael we yu submitim olsem ZIP fael bifo yu aplodem iko long Dropbox.
- iii. USB: Iko long Dipatmen blong Faenans mo Tresori

Yu nid blong saenem jeklis nomo so yu maet nid blong printimaot festaem blong yu save saenem saposé yu no Save saenem elektronikli. Saposé yu no printimaot mo saenem fom, plis submitim tugeta saen skan kopi wetem Excel sheet we ino saen.

Plis sendem ol kweri we yu gat I ko long:

Ol kontak Ditel

Dipatmen blong Faenans mo Tresori

Fon: 26049

Imel: esp@vanuatu.gov.vu

Vanuatu Jemba Blong Komes mo Industri

Fon: 27543

Imel: reception@vcci.vu

Ol Kwesten we istap kamaot oltaem

1. HEMIA WE I RILET IKO LONG WOKMAN MO BISNIS

1.1. Olsem wan bisnis we I wandem sapot I kam long saed blong cost blong ol wokman, hamas nao bambae mi karem?

1.1.1. Ol employa bae oli kasembak lo gavman 30,000VT blong salari we oli bin pem go lo wanwan wokman we oli bin wok wetem hem lo 4 manis ya we emi Maj, Eprel, Mei mo Jun 2020.

1.1.2. 30,000VT bae emi hae amaon we ol employa bae oli karembak lo gavman blong ol salari we oli bin pem lo ol wokman we emi ova lo 30,000VT (eksampol se spos wan wokman I kasem 45,000VT long salari blong hem, bae gavman emi givimbak amaon kasem 30,000VT nomo).

1.2. Olsem ona blong bisnis bambae mi karem sapot tu o nogat?

1.2.1. Fes taem mifala andastand se bae gat wan nara 15% blong total mane blong Employment Stabilization Payment bae oli givim emi go lo ol bisnis olsem wan sapot blo mekem se ol wokman oli stap wok yet lo bisnis. Naia we emi stap, 15% ya emi jenis e kam taon lo 12%.

1.2.2. Long 12% ya emi gat 4% olsem mane we e gobak lo ona from mane we hem emi pem olsem VNPF blo wokman blo hem, nara 4% emi blong wokman lo saed blo VNPF blo hem afta nara 4% we emi stap emi go lo ona blo helpem hem.

1.3. Amaon we wokman bambae I karem I semak everiwan? Hamas?

1.3.1. Peimen blo ko long wan wokman lo wan manis hemi 30,000vt wetem 12%. Ol ona oli expek blo givimaot tisfala 30,000vt lo wanwan wokman blong olgeta.

1.3.2. Sapos yu gat wan wokman we yu kasem salari we ino bitim 30,000vt lo wan manis taem yu risivim ESP peimen long gavman, bambae I gat topap long salari blong hem. Exsampol sapos yu pem salari long manis March mo bakeken long manis April igo long John long amaon blong 15,000vt taem bambae yu karem ESP peimen blong tufala manis ia, yu mas pem John wetem wan topap blong 15,000vt blo March mo 15,000vt blo April blong bambae hemi risivim ful vt30,000 we gavan I givim blo wanwan manis ia.

1.4. Bambae mi karem mane quick taem?

1.4.1. Afta we Faenans hemi risivim mo jekem wan aplikesen, oli expek blong pem mane iko long bisnis witin long 1 kasem 2 wik.

1.5. Olsem wan ona we mi gat ol wokman we oli teminet, mi save haerem olgeta bakegen mo gat akses tu long rilif ia blong mekem se mi save pem olgeta naoia?

- 1.5.1. Yes, yu save haerem olgeta bakegen ikam lo semak posisen we oli stap long hem bifo oli finis long wok. Sapose yu mekem hemia, notem se hemi wan mas se bambae yu kontiniu blong haerem olgeta blong ful period mo pem olgeta at lis 30,000vt long wanwan manis.
- 1.5.2. Sabsidi ia ino aplae long ol niu wokman we olinobin wok long manis blong March 2020 be yu jas haerem olgeta afta long manis March .

1.6. Mi nid blong mi kam wan bisnis blo gat akses long mane blong ol wokman? Olsem wanem long ol haos gel moo I kadena for exsampol?

- 1.6.1. Hemi blong ol bisnis wetem bisnis laesens nomo. Sapose yu no gat wan bisnis laesens yu no save klem?

1.7. Olsem wanem long ol wokman we oli kam blong wok long sot taem nomo?

- 1.7.1. Sapose yu gat bisnis laesens mo ol wokman ia istap long VNPF blong yu, yu save mekem klem blong hem.
- 1.7.2. Yu expek blong pem 30,000vt iko long wan wan wokman evri manis long 4 manis.
- 1.7.3. Plis notem se Loa bong Vanuatu I no luksave 'casol wokman' olsem wan katikori blong emploimen. Hopfuli yu stap rife long olgeta wokman we oli gat vebol kontrak.

1.8. Olsem wanem nao bambae mi tekem not long ESP insaed blong faenansol rikoting blong mi? Mi nid blong pem VAT long hem?

- 1.8.1. Hemia I vat fri inkam. Not hemi olsem yu gat vat riten.

1.9. Igat eni samting I jenis long saed blong VNPF?

- 1.9.1. No, bambae yu kontiniu blong pem VNPF olsem we yu stap mekem long ol salari we yu pem iko long ol wokman mo nomol contribusen blong bisnis I gohed tu.

1.10. Olsem wanem long rent blong mi? Yu save givhan long mi blong bambae minomoa save rent?

- 1.10.1. Mi sore rent hemi wan akrimen bitwin yu mo lanlod mo hemia I praevet kontrak. Mifala I no save givhan long yu wetem hemia. Mifala I sajes yu ko toktok wetem Landlord.

1.11. Olsem wanem long ol peimen blong mi iko long ol mane lenda? Bus blong mi?

- 1.11.1. Mi sore, relesensip we yu gat wetem mane lender hemi tru long wan praevet kontrak blong yu wetem hem. Mifala ino save givhan long yu wetem hemia.

1.12. 1.12 Olsem wanem long ol kastoma we oli stap risivim ol fidbak tru long “DropBox” Tim long ol ESP sabmisen ikam long Faenans?

1.12.1. Ol kastoma we oli submit tru long DropBox I shud risivim wan otomatik fidbak we I konfemem se mifala I risivim submission. Sapose oli no kasem wan fidbak oli welkam blong kolek mifala long 26049 mo foloap.

1.13. Igat eni detlaen long ol ESP fom? Klosing det?

1.13.1. Long naoia iet ino gat eni klosing det.

1.14. Ol skul, oli save aplai?

1.14.1. Ino lo tisfala taem. Gavman bambae I adresem ol skul (Praevet mo pablik) long wan difren pakej. Plis askem long ol skul blong toktok wetem Dipatmen blong Edukesen.

1.15. Ol man we oli wok blong olgeta nomo mo oli kasem o bitim 55 yia mo oli nomo nid blong pem VNPF contribusen blong bisnis blong olgeta oli entaetol long sabsidi ia o nogat?

1.15.1 Ino lo tisfala taem. Ol man we oli wok blong olgeta nomo bambae oli no benefit long ESP pakej ia. Bambae oli kam ananit long catigori blong ol Smol mo Midium Entapraes (SME’s). Notem se ol SME’s istap long wan catigori we gavman I stap plan blong adresem olgeta long stimulas ia. Bambae oli considarem olgeta I difren long ESP. Mifala I stap wok iet blong faenolaesem polici konsep bifo niufala Minister I mekem anaonsmen.

1.15.2 Gavman bambae i mekem peimen long olgeta we oli aktif long VNPF bifo 29th February taem COVID – 19 I bin stat.

1.16. Ol bisnis we oli stap ananit long catigori blong ol Asosiesen mo oli rejista wetem Vanuatu Faenansol Seves Comisen (VFSC) be oli no gat bisnis laesens oli elijibol tub long aplae from pakej ia?

1.16.1 Ino lo tisfala taem. Bisnis Laesens hemi wan ki rikwaemen. Ol Bisnis we oli wandem benefit long ESP oli mas gat valid laesens blong 2019.